

KERATAN AKHBAR

TARIKH : 6 FEBRUARI 2023
AKHBAR : BERITA HARIAN
MUKA SURAT : 22

Gaji rakyat meningkat jika ekonomi dipacu pelaburan

Gaji rakyat meningkat jika ekonomi dipacu pelaburan

Pendapatan rakyat di negara ini boleh ditingkatkan dengan mengalihkan pertumbuhan ekonomi kepada dipacu pelaburan berbanding ekonomi yang didorong penggunaan, demikian yang menurut pandangan Bank Dunia.

Ketua Ahli Ekonomi Malaysia Bank Dunia, Dr Apurva Sanghi, berkata pertumbuhan ekonomi dipacu pelaburan akan mewujudkan lebih banyak peluang pekerjaan, sekali gus membolehkan rakyat menikmati pendapatan yang tinggi dan kualiti hidup yang lebih baik.

Beliau berkata, usaha mengurangkan kos sara hidup bukan sajalah membatikan usaha mengawal inflasi, tetapi ia juga perlu diiringi oleh peningkatan penda-

patan rakyat.

"Pertumbuhan ekonomi negara ini dilihat terlalu bergantung kepada penggunaan sejak sedekad yang lalu. Justeru, Malaysia perlu beralih kepada pertumbuhan dipacu pelaburan untuk meningkatkan pendapatan rakyat.

"Pertumbuhan dipacu pelaburan akan mewujudkan lebih banyak peluang pekerjaan dan akan meningkatkan pendapatan," katanya.

Beliau berkata demikian pada taklimat media mengenai Pemantauan Ekonomi Malaysia terkini Bank Dunia bertajuk *Expanding Malaysia's Digital Frontier*, baru-baru ini.

Apurva berkata, kerajaan juga perlu mengambil langkah me-

ningkatkan bekalan berkaitan pertanian terutama produk agromakanan dalam menangani is

Jejas bekalan agromakanan

Beliau berkata, pelaksanaan kawalan harga dan subsidi input yang terlalu lama akan menj

jaskan bekalan berkaitan agromakanan di negara ini.

Jelasnya, kekurangan bekalan di tengah-tengah permintaan tinggi akan mendorong kepada peningkatan harga akhir pengguna, yang sekali gus menjadikan perbelanjaan golongan

rentan terhadap makanan.

Katanya, jaminan makanan menjadi isu penting memandangkan kuasa beli dan pendapatan kumpulan B40 semakin merosot.

"Harga yang meningkat susulan peningkatan permintaan untuk makanan dan pengeluaran tempatan yang tidak mencukupi untuk memenuhi permintaan menyebabkan makanan kurang dapat diakses oleh golongan miskin.

"Kira-kira lima juta orang (rakyat negara ini) berdepan jaminan makanan yang teruk. Sokongan dalam bentuk subsidi input dengan lebih tertumpu kepada beras tidak menyokong perubahan permintaan makanan di negara ini," katanya.

 Pertumbuhan dipacu pelaburan akan mewujudkan lebih banyak peluang pekerjaan dan akan meningkatkan pendapatan

Apurva Sanghi,
Ketua Ahli Ekonomi Malaysia Bank Dunia

